

臺灣文獻匯刊

■ 陳支平 主編

第一輯

第三冊

◎◎ 九州出版社
廈門大學出版社

臺灣文獻匯刊

第一輯 ◎ 第三冊

鄭成功傳（外三種）
白麓文鈔

◎ 九州出版社
◎ 廈門大學出版社

鄭成功傳

鄭成功傳

鄭亦鄒撰

附：澤瀉東正純：《鄭延平事略》

丸山正彥：《臺灣開創鄭成功》

鄭浩基：《鄭延平年譜》

《鄭成功傳》，鄭亦鄒撰。《臺灣文獻叢刊》曾經收入。

惟《臺灣文獻叢刊》稱作者鄭亦鄒事蹟不詳。此次印行之廈門大學圖書館收藏鄭亦鄒：《鄭成功傳》，為清乾隆年間之鈔本。傳前收有鄭亦鄒於康熙四十一年（1702 年）所撰：《明季遂志錄敘》和四十四年（1705 年）撰：《白麓藏書徵信序》，以及其友人同安林霍撰寫的《附錄》。從這些記載可以知道鄭亦鄒是福建漳州人，痛明鄭之亡，專心於著書立說，闡明南明事迹蹟。這些著作大多散失。

關於鄭成功的傳記，清代後期也不斷有人撰寫問世，作者的各自立場亦有所不同，這裏選取日本澤瀉東正純：《鄭延平事略》、日本丸山正彥：《臺灣開創鄭成功》、鄭浩基：《鄭延平年譜》等三種，一併作為附錄印行。

明季遂志錄叙

事續成之
撰
明
大學
圖
後
書
聲
收
攬
而
悉
納
要
也

閩中屢遭兵燹。故事存者。僅存百餘。藏書所至遺士之家。各往往攜撫。明季時事。觀其論載。及諸所聞。即吾漳之事。每多謬異。吾漳土之彰明較著。挂於士大夫之口者。乃艷論其人。以游揚視聽。蓋自明亡至今。垂六十載。人往風微。雖以篤道君子。留意人才。不能無誤。然則周游考訂。正謠補苴。合存於此。今將徵信於燕。是成祖之所光宅也。勝國之故陵。猶在於吳。則明之留都地。四鎮之沙蟲。五王之龍種。有擊筑而歌者。於越於閩。故監國

鄭成功傳

鄭成功傳

之府。思文之宮也。師相之招徠未反。猶有效謝翱之哭者。於粵於梧。於滇於緬。於海。明之公族盡矣。天旣禍之。誰能福之。然而或有遺久。以故求之。尚或有之。然而徵信之日已晚。又念長貧。不能橫歷九州。與天下相見。惟是足跡所至。毋忘搜討。或遠方方正博聞君子。與我同心。幸辱郵筒。教以不逮。然後退而定治。其部居有所譏。褒諱挹損之文辭。傳於良友。託之高山。以論歌今上之盛美。或者掇其緒論。上佐史局。令薄海內外。明知天子之所貴。使亂臣賊子。無所逃罪。則大德流而廉耻興。

矣。因麤集懷宗端皇帝以來訖鄭氏歸朔凡五十餘年。天下之遺文蓋爛如矣。酌酒內殿望火南宮。朕屍可烈。民命毋殘。毅然為諸臣倡。所謂亡國正終者矣。作懷陵本紀若干卷。從君于卹之死靡他。作諸殉主之臣傳若干卷。吾乘人之車。衣人之衣。食人之食。音宜養身而無補于國。則有司之罪也。苟獲死所。抑又何求。作諸死事之臣傳若干卷。王蠋齊之布衣。絕脰而死。其亡大夫皆感憤。迎立襄王以復國。蠋之功勝於田單十倍。然而時無可為。激昂局外之讎。設誠旁觀之地。投命斷元。裂族屠。

鄭成功傳

家蓋數十百所。嗟呼異哉。記曰性之所欲。感物而動。亦各從其志也。作諸臣傳若干卷。門戶之角立。勦撫之失宜。興復之不教。則督師之臣故也。若人定勝天。諸數人者。足以觀矣。作諸前後督師死事之臣傳若干卷。嗟萬萬猶能庇其本根。明季之亂。其宗族枝葉槁落。而國隨之。作諸王宗室死節之臣傳若干卷。年而亡。即真子羊城者。而亡作紹興紹書。諸死事死節之臣傳若干卷。島竊號于荒餘。麾之不去。撫之不來。東南之民靡然振動。及其大舉入寇。兵散金陵。乃甘心遠遁。畢命窮海。猶有守死之意焉。蓋自丙戌迄癸亥秋。

王師底定。漢軍公歸。

朝父子祖孫相繼。翱翔海上。凡三十有八年。作島上圻傳。若干卷。今之存者。尚五十有七卷。則未知其時之死者。尚有幾人。且死而卒受污蔑者。何人。隣于清濁。疑似竊籍而傳會者。何人。名山之藏。棄有其書。無有隱于酒人。劍客。浮屠。屠釣之徒。薶名更姓。悲歌忼慨。死而世莫知者。尚有人不湮滅。不吾所采獲而失謬者。皆何如。著諸所聞。死生成喪。姓氏爵里。前後年月。為目錄。臚于後方。以就正于有道。嗚呼。明家養士二百七十餘年。諸未

鄭成功傳

流死者後先相望。何以數十百人。舍命不渝。徒為俱靡。
特精魂壹鬱。離而~~未~~墜。令吊古者。髣髴依稀。于殘編斷
簡。秋雨夕陽之間。以俟表章于

聖世。斯固勝朝君子所不忍聞者也。余蓋反覆明亡。不能
無三嘆云。

康熙四十一年二月二十一日。海澱鄭亦鄒居仲氏書
于漳山之白雲精舍。

附錄

明自甲申後。綴學之士。各著書言明季者。可數十百家。

與戾同。狼戾之夫也。

其謬鑿者亦數十百家。吾友白麓先生乃采著故事。觀
造者得失之變。捐軀殉節之倫。作季明遂志錄若干篇。
以傳於後。夫當明室之亡。貞明執節所在。都有何以沒
後。亦不經見。以余前後所聞。互有同異。及老不慧。諸所
記憶。亦忘失大半。脫後數十年。老耄耄折。孤臣貞士之
魄。必有盪為冷風。化為哀草者。然則是書固不可以不
作。作而幾成。敢仍其刺謬哉。方白麓少時。以詞章健筆。
震盪當世。既而二蹶金臺。無感憤不平之色。見于顏面。
每涉河登岱。快拓耳目。發其撫時懷古。壯烈蒼涼之思。

鄭成功傳

鄭成功傳

收其遺文軼事。歸而藏于丹洲之上。以為樂。又念斯文
放絕。聞見未真。復有志于四方。恐立言之失。以取譏於
人。然則治俗學。貴文章。固非白麓之志也。白麓可以不
朽矣。秋風初勁。馬首在東。搖策而去。必有作古好事。為
白麓將伯者。因書數語。以道其行。

同安林霍題

白麓藏書徵信序

白麓山人既成遂志錄之三年。乃作明季辨誤凡四卷。江閩事略凡六卷。明餘行國錄凡十六卷。明遺民錄凡一卷。辨誤何也。傷之。傷史失據。甚于亡也。江閩事略何也。三吳七建之間。二杜鵑能復鳴乎。行國錄何也。旄邱之叔伯好亡而惡定也。遺民錄何也。湛胥之作登臺之慟。亡國之音也。比于慢矣。雖然何不草曰。是史道然焉爾。殷人猶鑒之後王其舍諸。忌諱不旣多乎。曰。忌諱者。是谿刻之朝。非寬大之志也。如非寬大之志。西山之

鄭成功傳

緒久矣。居先王之國。受先王之道。子先王之民。何諱焉。若然。不遂信乎。曰。未可知也。所見異辭。所聞異詞。所傳異詞。吾夫子猶然慮之。古之為史者。如佩劍然。相笑而不知其非也。詩竿旄。何以告之。取其忠也。又曰。采采芣苢。薄言結之。采采芣苢。薄言禎之。言采之不一而足也。或受其傳旨焉。或蒐諸幽遐焉。若身親歷然。蓋反其本而大偽不興也。是徵信之義也。乙酉又四月。

鄭成功傳

鄭成功南安縣石井巡司人也。初名森。字大木。父芝龍。

字飛黃。小名一官。其大父紹祖。為泉州太守。葉善繼吏。
時芝龍方十歲。嘗戲投石子。誤中太守額。太守禽治之。
見其容止。笑而古釋字驛焉。居無何。落魄去之日本。娶倭婦。生
成功。是夜倭島萬火齊明。芝龍心異之。數歲。芝龍與仲
弟芝虎亡之。顏思齊党中為盜思齊海澄人。居臺灣。一時羣盜陳衷紀。
楊六楊七。劉香等。皆出其門。衷紀亦海澄人。最桀驁。芝
龍委身事焉。臺有居人。自芝龍等始。思齊死。衆無所立。
廼奉盤餼。音時割牲而盟。以劍插米。各當劍拜。拜而劍躍
動者。天所授也。次至芝龍。再拜。果躍出地。衆乃俱伏。推
島上上附傳

鄭成功傳

為魁。

或傳芝龍與陳衷紀陳勲等十人各乘一舟亡之臺灣為盜風引舵帶攬而為一各駭然曰此殆天以我十人不相統攝欲立一中軍耶乃共申

約鼓三通而開者立之至芝龍而開其言芝龍所以起家者或異然要之生而盜賊者焉陸梁海島土圻傳

上官軍莫能伉然大權仍歸衷紀芝龍猶陽奉焉朝議

招撫以葉善繼習芝龍為書招之芝龍感激歸命及降

善繼坐戟門令芝龍兄弟泥首芝龍素德善繼屈意下

之而一軍皆譁竟叛去復踞海島劫截商民往來閩廣

之間天啟六年泊于漳浦之白鎮巡撫朱一憑遣都司

洪先春擊之鏖戰自晨及晚未有所敗會海潮夜生先

春漂泊失道芝龍陰度前山繞先春腹背受敵

被數及芝龍故有求撫意。微達於官軍。廼佚先春。又自
白鎮趣中在所。督師俞咨臯與戰敗。又佚之。中在人開
城納之。泉守王猷遣人招諭。崇禎元年九月。芝龍殺袁
紀于島上。忌劉香。發其父冢。及挫而冀諸之。率所部降
于督師熊謙文燦。三年。以平廣盜。征生黎。焚荷蘭。時豫
維璉撫閩。荷蘭犯島。璉拜芝龍為將。芝龍募龍溪人郭任功。率
十餘人夜浮荷蘭船尾。潛入焚之。獲荷蘭等五十餘人。餘船悉遁。收劉香
功。遷都督。于是成功在倭已七歲矣。芝龍屢請之。不能
得。廼遣人齎金幣往。圖畫芝龍為大帥。秉鉞橫絕海表。
軍容烜赫之狀。倭亦頗憚。受賂而歸之。成功風儀整秀。